


**ՀՀ ԳԱԱ ԵԳԻ Հ. ԿԱՐԱՊԵՏՅԱՆԻ ԱՆՎԱՆ ԵՐԿՐԱԲԱՆԱԿԱՆ
ԹԱՆԳԱՐԱՆՈՒՄ ԲԱՅՎԵՑ ԺԱՄԱՆԱԿԱՎՈՐ ՑՈՒՑԱԴՐՈՒԹՅՈՒՆ՝
ՆՎԻՐՎԱԾ ԱԿԱԴԵՄԻԿՈՍ Ա.Տ. ԱՍԼԱՆՅԱՆԻ 100-ԱՄՅԱԿԻՆ**



Ակադեմիկոս Ա. Տ. Ասլանյանի 100-ամյակի կապակցությամբ կայացած գիտաժողովի շրջանակներում ՀՀ ԳԱԱ ԵԳԻ Հ.Կարապետյանի անվան Երկրաբանական թանգարանում 2019թ փետրվարի 7-ին բացվեց ժամանակավոր ցուցադրություն, որտեղ ներկայացված էր ակադեմիկոսի գիտական ժառանգությունը, արխիվային

նյութերից վերցված լուսանկարներ, կյանքին և գործունեությանը վերաբերվող բազմաթիվ հայրենական և արտասահմանյան պարգևներ, ինչպես նաև անձնական իրեր դաշտային գրկույկը, գրիչը, վայրկյանաչափը և այլն: Ա.Տ.Ասլանյանի անձնական արխիվից ցուցադրված է 47 լուսանկար, նվիրված ակադեմիկոսի աշխատանքային գործունեությանը, 15 միջազգային պատվոգիր: Ցուցադրությունում առանձնահատուկ տեղ են գրավել նրա միներալների անձնական հավաքածուից 12-ը, որոնցից 8-ը՝ նվիրվել է երկրաբանական թանգարանին (քվարց-մոլիբդենային երակ՝ Թեղուտի հանքավայրից, վարդագույն քվարց Բայկալից, քվարցիտ Իջևանի շրջանի Լուսաձոր գյուղից, պիկնիտ Գերմանիայից, ոսկու հանքանյութ Սոտքից և այլն) և 4 ցուցանմուշ՝ Հայաստանի բնության պետական թանգարանից, որոնք նախկինում ցուցադրվում էին ՀՍՍՀ Մինիստրների խորհրդին կից Երկրաբանական վարչության թանգարանում՝ բերված լինելով Ա.Տ.Ասլանյանի անմիջական միջամտությամբ (ամերիստ ժեող, մամռային ագաթ, ագաթ-ամերիստի յուրահատուկ նմուշներ Սարիգյուղի



ագաթի հանքավայրից):

Առանձնահատուկ ուշադրության է արժանի 1979թ. Հայկական երկրաբանական ընկերության կողմից Ա.Տ.Ասլանյանի 60-ամյակին նվիրված հուշանվերը՝ պատրաստված բարձրորակ բնագունեղ քարերից՝ նեֆրիտ, ռոդոնիտ, արհեստական ռուբին, ցիտրին, ծխագույն քվարց, քրոմդիոբսիդ և այլն՝ Հայկական լեռնաշխարհի ուրվագծով: Որպես արվեստի ինքնատիպ գործ՝




դիտարժան է Ա.Տ.Ասլանյանի պղնձաձույլ դիմաքանդակը քանդակագործ՝ Սուրեն Նազարյանի հեղինակությամբ՝ նվիրված ակադեմիկոսի 65-ամյակին: Առանձին ցուցափեղկով ներկայացված են Ա.Տ.Ասլանյանի մենագրությունները, գիտական հոդվածները, քարտեզները:

Ցուցանմուշների շարքում են Ա.Տ.Ասլանյանին շնորհված 1983թ. Գերմանիայի Դեմոկրատական հանրապետության Երկրաբանական ընկերության կողմից Աբրահամ Գոտլիբ Վերների անվան արծաթյա Պատվո մեդալը, Վրաստանի գիտությունների ակադեմիայի կողմից Ա.Տ.Ասլանյանի 50-ամյակի կապակցությամբ հատուկ հուշամեդալը, ադմիրալ Հ.Բսակովի անվան հուշամեդալը շնորհված



1970թ. Լենինգրադում (Մանկտ Պետերբուրգ) համանուն նավի բացման արարողության ընթացքում, 1984թ. Մոսկվայի Երկրաբանական միջազգային 27-րդ կոնգրեսի Կազմկոմիտեի կողմից հատուկ շնորհակալագիրը: Հոբելյանական ցուցադրությունը մեծ ուշադրության արժանացավ ինչպես գիտաժողովի մասնակիցների, այնպես էլ ուսանողների, դպրոցականների, օտարերկրացի այցելուների, զբոսաշրջիկների կողմից:



1970թ. Լենինգրադում (Մանկտ Պետերբուրգ) համանուն նավի բացման արարողության ընթացքում, 1984թ. Մոսկվայի Երկրաբանական միջազգային 27-րդ կոնգրեսի Կազմկոմիտեի կողմից հատուկ շնորհակալագիրը:

Հոբելյանական ցուցադրությունը մեծ ուշադրության արժանացավ ինչպես գիտաժողովի մասնակիցների, այնպես էլ ուսանողների, դպրոցականների, օտարերկրացի այցելուների, զբոսաշրջիկների կողմից:

Ցուցադրությունը կազմակերպեցին և ներկայացրեցին թանգարանի աշխատակիցներ Գայանե Գրիգորյան, Աննա Հարությունյան, Նարինե Պողոսյան, Սեդա Ավագյան, Ստելլա Պետրոսյան, Ռուբեն Դավթյան

